



kat.komp.

17811

I Mag. St. Dr.

P

index

sis.

Politowier Ioan. Dionysii: Prosa victo-
rae gloriae Alexandri Gembicki;

PANEG. et VITAE

Polon. 4^a

N^o. 253.

1
J
a
r
1

1
8

ROSA VICTVRÆ GLORIAE

Perillustris ac Reuerendissimi Domini,
D. ALEXANDRI GŁEMBOCKI,
DECANI POSNANIEN: PŁOCEN:
LOVICIENSIS CANONICI,
S. R. M. Secretarij. 1785

*Nuper Scholastici, recentèr in hoc verni temporis ingres-
su Archidiaconi Gnesnensis, de vnius dignitatis horto; in
alterius dignitatis hortum, Per Eminentissimum ac Reue-
rendissimum Dominum, D. IOANNEM LIPSKI,
Archiepiscopum Gnesnensem, Legatum Natum, PPP. &
Amplissimum Capitulum Gnesnen: meritò*

TRANSPORTATA.

& A

IOANNE DIONYSIO POLITOWICZ Philosophiæ Do-
ctore, Academicæ Coloniae ad Aedes Almæ Ecclesiæ Me-
tropolitanae Gnesnen: PRÆFECTO, honoris ac debitæ
obseruantiae ergo

O B L A T A.

POSNANIÆ. In Officina Alberti Reguli Anno Dñi. 1641.

IN S T E M M A
ANTIQUISSIMÆ DOMVS GŁEMBOCIANÆ.



*Ceu Rosa fragrantem nitidissima spirat odorem,
Hortorum flores inter odoriferos:
Głembociana Domus summis virtutibus aucta,
Climata per mundi, sic redolebit ouans.*

IOANNES PIŁGŁOWSKI,
Academicæ Coloniz ad Œdes Almæ Ecclesiæ
Metropolitanz Gnesnensis Studiosus.



N Eminem mortalium existimo **PERILLVSTRIS** ac **REVERENDISSIME** **DOMINE**, aliquò inurbani-
tatis scelere intaminatum repertum iri; qui Tibi
amplissimos in Ecclesia Dei, accensis animis, repetitis
desiderijs, geminatis ardentissimis vocibus, non preca-
retur honores. Promeruit enim illos, probitas & inte-
gritas spectata, heroica virtus in nullius se vertens inui-
diam; quæ in angusto loco quiescere nescit, nec tenebri-
cosò intercludi nouit angulò; sed in latissimum totis vi-
ribus egreditur campum: vt Ecclesiam & Patriam dul-
cissimam impleat meritorum odore, & occupet hono-
rum splendore. Non potest Tibi non precari **PERIL-
LVSTRIS** ac **REVERENDISSIME** **DOMINE** amplissimū
Collegium Gnesnense, Posnaniense, Płocense, Louici-
ense, & illud Regni SS. Tribunal; cū, benignò calò, &
fauentissimò clarissimorum Confratrum calculò, in alti-
ori loco collocatam, aduertit Rosam, cuius venustas est
virtutum decor & ornatus, & viua rerum à Te præclare
gestarum pulchritudo. Proinde post tot tantorumquē
Virorum amplissimorū fauentissimas & lætissimas Tibi
PERILLVSTRIS ac **REVERENDISSIME** **DOMINE** pri-
uatim & publice factas apprecationes, vltimum agmen
expediunt Charites Nostræ Tuo olim patrociniò dicatæ.
Mirabere fortasè tam segnes illas Tuæ occurrere virtuti,
proce-

procedere obuiam gloriæ, quæ primæ linguam orationi, mentem venarationi explicare debuerant. Verùm magnos, faciles & promptos esse decuit, paruis autem non licuit esse tam disertos, potissimùm verò colentibus Musas inferiores; vt primæ, in amplissimi affectu honoris Tanti Prælati arduis Ecclesiæ & Republicæ districti negotijs, comparerent conspectum, & cum rædioso verborū apparatu, ad admiranda virtutū simulachra, Tua penetralia ingrederentur. Sufficiet illis debitum, non tam balbutienti calamo, quàm deuotissimâ animi interni significatione declarare officium; quod à bulbutientibus filiis libenter pater excipit, etiamsi quid rude & absolum pro suo amore contulerint. Quare talem Te etiam Patrem & Patronum præstes, qualem Te naturæ bonitas, plenum sapientiæ, grauitatis, probitatis, cuius constans apud omnes frequentat opinio, denotat. Procul abest à Te ambitio, neminem turbat iucundus aspectus Tuus, deserit Te omnis Stoico supercilio expressus eloquentiæ fastus; quam nos Tibi in hoc altioris honoris ascensu, fauore & beneuolentiâ Tuâ suffulti, consecrandam & dedicandam esse censuimus: vt in illa non tam Orationis nitorem, quàm mentis obsequentis candorem, considerare velis. Quod si in hoc conatu eius, non sufficientissimè expressas virtutum Tuarum repereris imagines; scies tamen inter inutiles herbas Rosas esse fragrantiores, & olere suauius, & rubere amariùs, & florere feliciùs. Vt nocturnò tempore faculæ

culæ accensæ è longinquo magis diffundunt flammam suam, & tenebras dispellunt, cominùs autem angustam lucem largiuntur: sic & Musæ Nostræ in recensendis virtutibus Tuis largas se animo & affectu præstabunt, si non poterunt eruditionis effectū. Non excurram in præsens in campū latè patentem, ad recensenda amplissimæ & vetustissimæ Familiæ magnis virtutum splendoribus conspicua Natalia: quorum sunt pleni annalium libri, plenæ hominum nobilium voces; illa accepisse suum initium ab Italo Vrsino in Poloniam ob metum Neronis Christianos persequentis, commigrante. Venerabor silentio priscae virtutis Atauos, Abauos, Tritauosq; Tuos sanctissimos, gloriosissimæ ex Lituanis, Russis, Iazuingis sub Lesco Nigro in Regiones Nostras crebras incursiones facientibus reportantes, trophæa. Missas faciam, Regali prorsus animo bellicosoq; apparatu, postpositò vitæ periculò expeditiones, hostium deuictorum numerum, Arcis Liu forti manu defensionē, & militum nostrorum ab hostili exercitu obsessorum victoriæ triumphum. At excellentissimam naturæ Tuæ indolem, & ingenium præstantissimum, quantum imbecillitas ingenij mei suggerere poterit, præterire nullo modo possum: quod luculenter resplendere, in lucem publicam atq; admirationem hominum sese inferre manifestissimè videtur. Pulchrum spectaculum generosæ indolis effulsit, cum in Altricem bonorum ingeniorū Academiam missus fuisses: ut in illum tenellum animum bonis artibus adhuc desti-

A 3

tutum,

tutum, instillares largissimos sapientiæ & prudentiæ ri-
uulos, morum integritatem; atquæ solidam à pijs & in-
tergerrimis imbiberes virtutum omnium imitationem.
Nihil enim magis inherere mentibus humanis ad conse-
quendam preciosissimam honestatis imaginem putasti:
atq; probatissimorum virorum vsum & consuetudinem:
quos ita cõlebas & obseruabas, vt in ætate iuuenili, quæ
ceu velox cymba, magno æstu adhuc & feruore sanguinis
fluctuat, omnes Syrenes & Lythophagos, omnium cupi-
ditatum remoras, Scyllas & Charybdes, omnium affecti-
onum prauarum rudentes, superares. Persuasum habu-
isti quos modos cantio Syrenum ad fallendum, decipien-
dum, irretiendum, tradat; vt in cæcum aliquem calami-
tatis scopulum gurgitemq; in cautum deducat: quos au-
tem elijciat puritas, & grauitate morum temperata pro-
bitas, & ardentissima erga DEVM charitas. Nihil aliud
cogitasti, quàm sine strepitu ac ostentatione actiones ho-
nestas DEO consecrare, illiq; purâ mête seruire, declarato
vbiq; locorû modestiæ argumêto, à recto mediocritatis
tramite, ne transuersum quidem vnguem recessisti, nec
abijisti. Postpositis enim rebus inanibus ac leuissimis, o-
mnem curam ac diligentiam ad animi ornamenta capes-
fenda, contulisti; vt honestatis ac gloriæ poneres ante o-
culos dignitatem; non popularem duntaxat auram aucu-
pandi amplexus; quàm præcepta viuendi secutus es. Ad
ædes olim Eleusynæ consecratas, nemini virorû improbi
animi, prauî consilij patebat aditus, nisi qui præclarâ or-
natus

natus vitâ, omni honestati deditus, se probum præstaret:
Ita etiam ratum ac fixum habuisti, nemini sacrum, hoc
Amplissimorum Ordinum Palladium ingredi licere, nisi
qui aut optimis virtutum instructus moribus, aut litera-
rum scientiâ excultus, sciat quid inter æquû ac iniquum
tenendum & amplectendum. Sciebas quippè rectè di-
ctum ab Oratore optimo; quemadmodum tibicen sine
instrumentis ad modulationem dispositis, nullam har-
moniam, nullum concentum edere; sic virum futurum,
in Ecclesia & Republica magnæ existimationis, sine præ-
sidio literarum, & munimento honestatis nullo modo
rectè publica negotia administrare & gubernare posse.
Nec pluris etiam æstimasti literas, licet sint magni precij;
quàm honestam vitam; quæ ad statum piè sanctèquè co-
lendum, ad decorum conseruandum splendentis virtu-
tis imagine conando prælucere, rectam monstrat viam.
Hanc igitur virtutem in illo illibato adolescentiæ flore ad
quam Te natura fecit, voluntas exercuit, vsus & consue-
tudo confirmavit; ad honorem DEI, & communem v-
tilitatem illustrandam & propagandam libentissimè con-
tulisti. Cæterum otium illud vitiorum seminarium, &
pueriles nugas, altas radices in animo otioso agentes, &
latius ætate ingrauescente sese diffundentes, ita amouisti;
vt nulla apparerent vestigia sceleris, quæ futuræ vitæ oc-
casum deturpare possent. Nec expectasti profectò fessam
ætatem quieti deditam, & impatientem laboris; sed om-
nem cogitationem & industriâ ardentem & erectam,
ad spem

ad spem gloriæ pronis conatibus non intermissis literarū
studijs enitenti, inclinasti; vt comparares ea vitæ præsi-
dia quæ subsequenti sæculo essent profutura, memor di-
cti, luneni parandum, seni vtendum est. His ergo illustri-
oribus ornamentis instructus, tanquā ardentissimō quo-
dam desiderio accensus, non es veritus tradere & conse-
crare ipsi D E O animum ad prosequendum honestum, vt
præparares eximiæ virtuti aditum ad posteritatis memo-
riam omni tempore victuram. Quapropter tam prom-
ptam ad omnia præclara facinora virtutem, & illud inge-
nij splendidioris lumen cū aspexisset simul & appro-
basset Illustrissimus & Reuerendissimus D. LAVRENTIUS
GEMBICKI Archiepiscopus Gnesn: in pernoscentis viro-
rum ingenijs speculator diligentissimus, actutum Te ad
Curiam suam accersuit, totamq; Familiam regendam,
cum parte curarum commisit, & breui tempore in testi-
monium iustissimi præmij, in celsissimū amplissimi Ca-
pituli Gnesnense & Louiciense Collegium, coöptaui.
Nec diu expectauit Illustris: ac Reuerendis: D. HIERO-
NYMVS CIELECKI Episcopus Płocensis, vir insigni eruditio-
ne, rarò totiquè posteritati memorandō pietatis exem-
plō, incredibili amore erga Ecclesiam illustrandā, eamq;
ornandam desiderio, celebratissimus; Perillustis ac Re-
uerendissimi D. Fratris Tui SIGISMVNDI CIELECKI, Posna-
niensis Præpositi, Gnesnen: Płocen: Canonici, Viri omni
genere virtutū, & prudētiā celeberrimi Patruus; Oecono-
mum Te Episcopæ suæ tanquam cō munere dignissi-
mum fe-

arū
efi-
di-
tri-
uo-
se-
vt
no-
m-
ge-
ro-
rivs
ro-
ad
n-
sti-
Ca-
it-
ro-
io-
em-
nq;
Re-
na-
nni
no-
fi-
fe-
mum fecit, & Canoniatu Ploren: ac Pultrouien: Deca-
tu, condecorauit. In quo munere suscepto inuasitné di-
uinam mentem Tuam aliqua impetuosa omnibusq; bo-
nis exosa altioris spiritus arrogantia? inuasit benignitas
cum humanitate, humanitas cum candore; candor ipsam
in DEVM pietatem, multis iam ante argumentis con-
firmatam, cum admirando omnium virtutum concentu,
speculandam reliquit. Sortitus enim eras naturam ple-
nam bonitatis in quâ & nunc luculentissimè versaris, ad
deuinciendos non repellendos animos: nam in aulis
Principum ita vixisti, vt floreres; ita floruisti: vt laudem
immortalem, amplissimæ Domui augeres; ita studijs sa-
pientiæ operam nauasti, vt illam obtineres; ita vitam
honestis factis expoliuisti, vt manifestum quilibet habe-
ret exemplum pietatis. Quis illud acre iudicium, rarif-
simam modestiam, morum comitatem, humanitatis sua-
uitatem, quæ ita in animos hominum influxit, vt suauis
videri maluit, quàm grauis, non amplecteretur? Quis
illam loquendi iucundissimam consuetudinem non ad-
miraretur? Huius suauitate maximè exhilaratum illud
iustissimum æquitatis Tribunal Petricouienſe & Lubli-
nenſe; cuius percoctum iudicium, suadamque dicendi, &
diuitis ingenij censum spectando nobilissima iuuentus,
missa à parentibus ad excipienda prudentissima dicta,
verborum floribus ac luminibus sententiarum conspersa,
non conticescet. Fatebor ingenuè, nunquam priscis
temporibus tantum laudis in loquendo Vlyssibus tribuitur.

Homerus; quantum Tu rapis in admirationem animos
etiam cum stupenda illa memoria quâ videris superasse
illos viros clarissimos Cyros, Mithridates, Themistocles,
Iulios Cæsares, cæterosq; memoriæ laude apud antiquita-
tem memorandam celebratissimos. Nec hic est finis me-
ritorum Tuorum, quæ se vno obtutu obijciunt conspici-
enda, veluti lapis in proximum fluuium iniectus centrum
suum affecutus, quasi circino interclusus in superficie no-
uum semper circulum videndum proponit. Simulatque
& sapientissimus & sanctissimus IOANNES WĘŻYK (qui
non ita pridem spolijs pietatis onustus, in illud cœleste
Capitolium vbi beati sempiterno æuo perfruuntur, abi-
uit) magnus clarissimorum virorum promotor intelle-
xerat, Te diuinis ingenij bonis instructum atq; ornatum;
magno honore Scholasticatus Gnesnensis cohonestauit.
Nec Illustrissimus ac Reuerendissimus Dñus. ANDREAS
SZOLDRSKI Episcopus Posnaniensis, Vir summâ graui-
tate, naturæ facilitate, vitę integritate, morum comitate
paucis comparandus (quem DEVS quàm citissimè ab
exteris nationibus saluum ac incolumem reducat) in Tua
promouenda virtute destitit. Decanatum Tibi in sua
Ecclesia Cathedrali Posnaniensi, contulit. Et Serenissi-
mus ac inuictissimus D. Clementissimus VLADISLAVS
Rex, (quem DEVS incolumem diuturnis protegat an-
nis) Tua ista insignia animi ornamenta, sine vberiori in
Ecclesia DEI, in offerentibus sese occasionibus alimento,
non patitur dimittere. Opportunam occasionem or-
nandi

nandi Te beneficijs Eminentissimus ac Reuerendissimus
D. IOANNES LYPSKI, Archiepiscopus Gnesnensis na-
ctus est; cùm Te ex Scholasticatu in locum excelsiorem
Archidiaconatus Gnesnensis transtulit: fecit Te oculum
suum, cor, manum; communemq; Ecclesiarum curam
tradidit, vt in Tuis humeris veluti Atlantis, vniuersi Cleri
moles recumbat. Summum istud dignitatis fastigium,
singulari DEI beneficio ab Illustrissimo sacrorum Prin-
cipe non sine summo onere, est impositum. Profectò
summum; Ecclesias in manibus Hereticorum per tot an-
nos detentas vindicare, supinâ Patronorum incuriâ colla-
psas restaurare, interno cultu destitutas ad decentem
splendorem promouere, iniuriarum, equitatis cognitio-
nem esse; ad vitam mores, puritatem, accuratissimè ani-
maduertere, quemlibet refractarium prudentissimò con-
filiò, saluberrimò suasu in officio retinere, & ad meliorem
vitæ frugem & honestatem deducere. Non est vobis ani-
mo concidendum Admodum Reuerendi Domini totius
Archidiœcesis Gnesnensis à DEO facti Sacerdotes, imò
in spem optimam veniendum: repetite Tribunalitij tem-
poris memoriam: ponite ante oculos dies quibus in cau-
sis grauissimis toties vobis præstò adfuit; explorato co-
gnouistis illius erga vos propensissimum studium & be-
neuolentiam. Non solum enim consilio prudenti defen-
sor fuit, positâ habens in oculis fidē & æquitatē, sed eti-
am legum grauitate conseruator extitit. In vestris Priui-
legijs defendendis, retinendis, ratificandis, nullum studij

aut officij genus prætermisit, ad quod omnes ingenij nervos non videretur cōferre, vt vestræ opitularetur, si quam pateremini iniuriæ. Commemoranda hic esset feruentissima in DEVM Religio, & singularis in sanctos DEI propensio ac veneratio: templum illud quod ad placandam Diuini Numinis iram in natali solo magnificò sumptu, & splendidò apparatu à se exstructum, & exornatum; omnibus seculis prædicandum nunquam sera obductura, est vetustas. Celebranda in rebus agendis dexteritas & prudentia, quæ illud lemma non tam verbis, quàm literis dignum promeruit: cùm Te Confratrem habeant animo, iudicio colant bonum, velut gemmam inter pretiosos lapides, virum.

Mores veteresq; novosq; tenentem.

Multorum veterum leges Diuumq; hominumq;.

Prudentem; Gnesna Archidiaconum suum, Posnania Decanum suum, Płocia Louicia Canonicum suū, agnoscit. Non ignota sed perspecta Vobis Perillustres ac Reuerendissimi Domini magnitudo animi, in suscipiendo quocunq; negotio dexteritas, & prudentia, in perficiendo constantia & fides, in dicenda sententia in Senatu Vestro plenissimo consilij, in hoc Seminario Episcoporum & Senatorum amplissimo theatro, grauitas: æquum ratus vt ibi sentire, quæliberè explicaret, vbi etiam quæ sentiret, dicere liceret. Rectè sentire prudentiam redolet: liberè explicare fortitudinem: & sentire benè & fortiter faciem: perfectæ cumulateque sapientix virum denotat.

In flo-

In florentissimo illo Areopago iustitiæ, vbi maximè declaratur vniuscuiusque ingenij promptitudo & facultas, cui ipse quaternis vicibus beneuolentissimis vestris suffragijs non parcens labori & sumptui, cum summa dignitate & honore, electus præsidebat; quid non nisi prudenter consiliò, grauiter autoritate, religiosè exemplò, forter magnanimitate gessit, & hucusq; gerit? Crescit Tribunalitia dignitas, insigne decus, nobilitati certissimum in suis causis perfugium, cui ille præsidet, pietate duce, prudentia comite, quàm studijs literarum acquisiuit, vsu & experienciâ rerû confirmauit, autoritate iustitiæ perfecit: nam quò cuius intellectus acumine ingenij perfectior, eò rebus agendis est aptior. Et proinde istâ laboriosam spartam soletis ijs committere, qui emensis prudentiæ, eloquentiæ, autoritatis gradibus, tantum habeat de imperio, quantum quisq; valeat ingenio. Imperium viribus subsequenter confirmamus, peritiâ experienciâ rerum, iustitiâ cognitione iuris, temperantiâ morum præceptis acquirimus, ipsam deniq; illam quæ videtur reliquarum esse moderatrix prudentiam, perspectis hominum ingenijs, & exploratis rerum experimur euentis. Et sanè non sequitur illam confictam à veteribus iustitiæ imaginem, cuius caput in cælum non sine superstitionis nota, ad melioris iudicis informationem, seruandum putarunt: vt à Dijs suis sanam in sententijs proferendis percipiant doctrinam. In cælo mens eius non caput versatur: nam in consilijs dandis, in sententijs promulgandis,

ipſius veri DEI præſentiffimam in corde iuſtitiaë imagi-
nem, inſculptam gerit: & ex ſolius Spiritus ſancti inſpira-
tione, qui eſt rector prudentiaë, prudentiſſima profert
decretorum oracula. Nullus reperietur calamitoſus,
quem non ille conſtabiliuerit, nullus debilis, quem non
fulſerit, nullus lapſus, quem non erexerit, nullus oppreſ-
ſus cui non ſubuenerit, & lamenta attenta aure non ex-
ceperit; afflictiſ ſolatiũ, & deſperantibus ſalutem dedit.
Quid non fecit aut quam non in partem commodũq;
ſe conuertit? Quibus modis & medijs infregit ambitio-
forum hominum factionẽ, atq; eius adminiſtrã & con-
tubernalem euertit pertinaciam? quem nullus fauor, nul-
lus liuor labefactauit, nulla potentiaë poteſtas, nulla aſſe-
quendi honoris aura, ab inſtituto curſu, aut ſpe aut polli-
citationibus dimouit. Apparuit in oculis iuſtitia, in
fronte magnanimitas, in vultu æquitas in omnibus præ-
claris actionibus illa omnis gubernationis præclaræ fide-
liſſima legum ſeueritas. Hæc ſunt attentæ & nunquam
ceſſantis gloriaë præmia, quæ imitabitur poſteritas: hæc
quæ fama celebrabit, monimentis annalium mandabit.
Poſſideant ſuas diuitias cæteri, oblectentur voluptatibus
non inuidendis, quæ caducæ, fluxæ, nec æternæ ſunt: vir-
tus intaminatis fulgebit honoribus, nec ceſſabit quando
iſtæ deſinent: florebit quàm diu literæ florebut non ti-
tulo tantũ, ſed manifeſta doctrinaë ac virtutis commen-
datione: quam vtramq; memoria poſteritatis amabit &
ſectabitur. Habebit ad imitandum Nepos & cliens Tuus
obſequen-

obsequentissimus meæ disciplinæ concreditus, non pressa
leuiter ad præsentis temporis prædicationem; sed ad po-
steram memoriam atquè incitationem, cumulatissimè,
pientissimi Patruī fixa omnium virtutum vestigia. Cui
etiam iure meritò lætandum venit mecū pariter, quòd
Te inter effusā multorū vota, cōmuni Charitum voce
consalutet. Sed lætitiæ nostræ magnitudo ita animos
nostros obruit, vt dum penè elingues efficimur, supremū
illum dignitatis humanæ authorem & fontem sermone
modico, ac reuerenter exoramus, vt Te amplissima sub-
sequentium annorum successione, simulquè felicissima
honorum accessio ne cumulet: vt & boni amici diutio-
ris vultus Tui amænitate recreati, non modò sanguinis,
sed etiā virtutis hæredes efficiantur, & Alma Metropolis
in hoc statu tales Viros ad ornamentum Ecclesiæ & Rei-
publicæ: procreare possit. Quod etiam amplissimum
hoc Tuorum Confratrum Collegium: quod vniuersa Ec-
clesia, quod deniq; omnes boni vouent & precantur.

DIXI.



ODE

ODE

Dicolos Distrophos.

A D

Perillustrem ac Reuerendissimum Dominum,

D. ALEXANDRVM GŁEMBOCKI,

ARCHIDIACONVM GNESNEN:

DECANVM POSNANIENSEM,

Płocensem Louicentem CANONICVM,

S. R. M. Secretarium.

DD. Patronum Benefactorem Optimum.

ALEXANDER GŁEMBOCKI, Academicæ Coloniæ ad
Ædes Almæ Ecclesiæ Metropolitanæ Gnesnensis Studiosus,
Nepos & Ciens obsequentissimus.

NON Te condignis possum celebrare Camenis
 Spes mea, æliciumq; suauē,
Inclŷta quem virtus, tanta ad fastigia duxit,
 Magnâ consilij gravitate.
Exurgit placidoquē decens Reuerentia vultu,
 Quâ Maiestas culta quiescit.
Imbuit eloquio facundo suada diserta
 Linguam, concessitq; stupendum

Inge-

*Ingenium, promptâ pollet quod dexteritate,
Sarmaticæ genti celebrandum.
Palladium legis certæ Piotrkouia testis
Strenuus arbiter extitit æqui,
Quod summum semper cognoscit Mysta verendus,
Mirantur proceres rata dicta.
Nam quidquid monimenta requirunt
Assignat, Fanis nullo favore relicto
Quod dictavit spiritus almus
Et quod sub legum penetralia pondere fundant,
Hoc pietatis opus reputavit.
Est fuci sine cerussâ celeberrimus osor,
Iustitiæ rectæ quoquæ cultor
Clari candoris sine technis norma probata
Et gnomon probitatis auitæ
Eximias laudes populus super æthera tollit
Addendo solennia vota
Ut numeret faustos annos per sæcula vitæ,
Et meritis exornet honores.
Emincat tanquam Platanus pulcherrima virtus,
Quæ summis est dotibus aucta.
Utq; viret semper laurus, nec fronde caduca
Carpitur: Et Tua fama perennet
Sicq; Tuum nomen longis luceat in oris
Cum expectata laude nepotis.
Suscipies, Tibi quos tulit, officiosa voluntas,
Carminis exiguiquæ labores.*

C

ODE

ODE

Tricolos Tetraastrophos.

Perillustri ac Reuerendissimo Domino,

D. ALEXANDRO GLEMBOCKI,
ARCHIDIACONO GNESNENSI,
DECANO POSNANIENSI, PŁOCENSI
Łouiciensi CANONICO, S. R. M. Secretario.

NON vile nomen, nec modicum decus
GLEMBOCIORVM Metropolis tenet
Ornata, celso Præsidentis
 Nomine, magnanimi triumphans
Quod Præsul & non ambitio tulit
Assueta vite, mortis imaginem
 Spectare, currit Dædaleo
 Letior irrita, sed volatu.
Tunc fama falsis ominibus volans
Vires resumit, corpore viuidas
 Rumore iam securo grato,
 Latificos ciet ore plausus.
Virtus coruscat consilio graui
Ad usque sanctos progreditur polos
 Vt flamma per spicas, vel aura
 Per rigidas titubat procellas.

Iuste beatum Gnesna vocaueris
Cuius perennet nomen, & ultimos
Peruadat ad fines, honores
Accipiens memoresq³ Fasces,
Quos ad regendum sat meritis bonis
Nunquam peroptat sponte capessere
Vltrò sequuntur, cum fugaces
Nouit amare viros honores.
Nam comitas, & suauiloquentia
Exculta doctis sub penetralibus.
Agnosce, quid prosit, Dynastum.
Dexteritas celebris bonorum.
Nullus querelas adferet inuidas
Decreta non sunt deuia legibus
Laudator equi ponderantis,
Quodq³ nefas Nemese ferebat.
Quid Musa poscis lemmata pangere?
Fundens liquorem de cerebro rudi,
Pridem quieti consecrata
Non tribues titulos decoros.
Persiste; viuat nunc Pylios dies
Ecclesia magnum decus, & iubar
Prosapia GLEMBOCIORVM.
Tristia secula ne fatigent.



BIBLIOTHECA



UNIVERSITATIS

81.6.18

Biblioteka Jagiellońska



stdr0018909

